



So488

Regd.No.19134/88
<http://www.kbc.org.in>
NAI/220/99
No-G-4/Regd.Magazine
/KBCThuso/MNP-81

Kum 57 thina

Bulte/February 2020

KBC|Thuso

67
KBC
General Assembly

SIXTY SEVENTH
General Assembly
2020

Kipumkhatna

MARCH EVENTS

Mission Week - 02-08
KBC Sunday - 15

"Kapa theng, eini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11



Kuki Baptist Convention tohgon na noija 2020 sung a Sunday School jilking ding jousen Pangiang Baptist Church KBC Gambih No. 2 Mun a ana 14 - 17 February sung in anachelha tai



27 - 29 February 2020 sung in S. Saisijang Baptist Church mun a KBC 67th General Assembly phate chan ana chelha tai.



CONTENTS

THUMAKAI HO

1. MACHALNA TOHGON/ <i>Editorial</i>	2
2. Gouthil lahson [Heritage]/ <i>Rev Lamkeng Lhouvum</i>	4
3. KBC DAY OF PRAYER/ <i>Rev.Dr. M. Thongkhosei Haokip</i>	8
4. Mission Column	11
5. Women Column	14
6. Education Column	15
7. Literature Column	21
8. Reports	28

EDITORIAL BOARD

<i>Chairman</i>	: <i>Rev. Tonglet Haokip, President KBC</i>
<i>Editor</i>	: <i>Dr. M. Thongkhosei Haokip, General Secretary</i>
<i>Joint Editor</i>	: <i>Rev. Henjalen Doungei</i>
<i>Contributing Editors</i>	: 1. <i>Rev. Letpu Kipgen</i> 2. <i>Rev. Onthang Haokip</i> 3. <i>Rev. Kaikhokam Chongloi</i> 4. <i>Pastor Paakhohao Haokip</i> 5. <i>Pastor Satminlen Khongsai</i>
<i>Cir. Manager</i>	: <i>Mr. Letjakai Singsit</i>
<i>Design & Layout</i>	: <i>Hemkholen Haokip</i>

THUSO LAHMAN

Church/Organisation/ DepartmentRs. 300/-
Individual Rs. 200/- (Post a Rs. 250/-)

Indian Overseas Bank, Imphal Branch

A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 70895979446 Contact thei.
Circulation to kisai lam Mobile No. XXXXXXXXXX bol ding.

Editorial...



MACHALNA TOHGON

Editorial

“Kihoulhina beiyin thilguon ho hi achekhel jin, guh a mihil thei atamna a mi alolhing teiye” Prov.15:22.

“Nabol natoh chan chu Pakaiya pedoh jengin, chutile nathilguon aboncha lolhing ding ahi” (Prov.16:3).

Houbung mite jouse i’Pakaiyu Jesu Christa min ngei pen minin salaam kahinpeuve.

Tunaicha 67th channa KBC Assembly nisim 27-29 January, Baptist Church S. Saisijang, KBC No.19 chu lolhingtah in akichaitheiyin, Pathen thangvah aumin, chuleh houbung/gambih/Convention general leh Department hoa thalheng ho jouse chung a kipathu kahin seiye. Kum thupi’a ineiyu chung chona lhatin thupiinei kit un, tulha thupi chu ahileh ‘Machalna Tohguon’ kiti ahiye. Tukum a dingin Convention machalna dingin tohguon phabep ikigon uvin ahi. Board, Committee chule Department hon jong chuto bangma chun ning kuma sanga ichan ka-ma chaal-diu ham tin lunggel ngaituo aneiyun ahi.

Ning kum chun office equipment ho – Xerox Printer (alenta), Campus sunga CCTV, Desktop Computer 2 tiho a’kilamdoh theiye. Chule, bat le thaam tampi akisadoh in, office management training, consulta-

tion on Finance and education, Seminar on First Aid & Substance Abuse tihojong organise akibolle. KBC Worker ho jong Bangalore muna Retreat agakibol theiyin, KBC thakhel in India Baptist Summit, Hyderabad khopi ah KBC Choir ho le lamkai phabep agakilha theiye. Chuleh adang dang tampi iboldoh theiyu hi houbung ho hapanna jal ahin, kitahtah a apeh ding dol ahinpeh najal uva hichan kitongdoh thei ahin, nachung cheh uva avel velin kipathu hiche thuso mangcha'n kahinseiyi.

Tu kum adingin Staff Quarter sahdoh ding ngai-cha, office thah neiding tohguon, chule khovei KBC Pentannial khoppi adinga tohguon hohi sum le pai louvin ima aumthei poi. Chule, kum masa a pat Diamond Jubilee melchihna dinga Guest room phabep kisa chu akim tuh geibou ilhunu ahin, tukum a hi chai theng a, jinlhun in hoitah'a nei ding ti ahiye. Campus sunga quarter kisa chai loujep ho jong chai theng ding, tuilonna (nullah), midang chenhompi hotoh kikah a fencing phatah semna, tuikholna, septic tank imasemna, etc. ho semtup ding chu ahi. Hiche project ho jong hi nangho panna louva alolhing ding khatcha um lou ahi.

Hiche Machaalna Tohguon um jong le nang le kei KBC kangailui tiho jong adou (against) lama ana kipangthei ahi. Iti idoudiu ham? Machaalna dinga lunggelle tohguon kipodoh a deilouho, Convention kiphutla pat a tunigeiya idanpi (Constitution) a ineiyu Convention leh houbung ho 50:50 phatah a pelouho, eimalung toh akitolou mana lamkaiho suthase ho, tohna ho kisahlal pia amatoh ding donlouva umho jong ahiuve. Hijong le adouva pansanga akithopi joh'a pang dingin anakigocheh u hite. Pathenin KBC mangcha'n na lentah atoh nome, hichea dinga ikiguonu hinam? Lunglut tah a simho jouse chungu Pathen vangboh chang cheh tauhen.

Gouthil lahson [Heritage]



*Rev Lamkeng Lhouvum
Mission Secretary, KBC*

SERMON

Isaiah 8:18

***“Vetan, kei leh Pakaiyin eipeh kacha te hi Isreal sung dinga Zion molsanga chengpa thaneipen Pakaiya hungkon Melchih na le mukhahlou thilkidang kahi-
uve.”***

Thumakai:

“Mu khah lou thilkidang mukhah loulai (Signs & Symbol)”hichu tu tua ding leh ahung lhung ding insunga sei dia chate khonung a hung lhung ding ho a “Gou”ahi. Chate din sum lepai nei le gou iti jiuvin hin lah hiche a sei nom chu “Lhagao lam gou” iseinomun ahi.

Hou natong ho achate lolhing kholjin mai mai ahibouve” (Just a
lou tampi aume. Dr. Bob piers visitor at home) atin ahi. Achaten
aloinu chun “ kaloipa hi ina hung kapa in ama chate kei ho sangin

Korean Nu lou Pa lou chate angailu jo tai atiuve. (My father love's Korean orphan than his own children). Pathen natos na hapana pang ahivang'a insung'a ding'a fail atamin hichu "In absent father" atiuvin ahi. Lhagao lam gou chu ipi ham?

1. Gou chu ipi ham (What is Heritage)?

a) **A heritage** iti hi Lhagao lam, Tahsa chuleh Jalhang hin a gou (The spiritual, Emotional and Social) ho kiseina ahi. Mi khat in Mou apui ding leh anu apa pha hinam? atiuvin ahi. Ama ho chun alhang pia thilthum vet ding aneijun ahi. (1) Achesa ahin kho iti aman em, (2) Tu pet hin kho, kanu kapan ei na taopeh inte. Mun khat na Pastor khat tao na mang dia ache leh aki Ihonpi pa chun tunia itaopeh ding te hi Matthew. Bung nga(5) toh cheng khom lout e ahi. Insung pha chun Lhagao lam goh hi louva tahsa lama jong pha ahi. (3) Khonunga dinga kinepna. (Hope for the future). I hin kho hi tui lah'a kong a (Ships) che tobang ahin, hijeh chun Heritage gelkhoh angaije. Dr. Billy Graham chapa chu agen thei l'eh e akiti. Ajeh chu apa Pastor hina agel them peh angaijin genthei tah in hin kho amange.

2. Jeremiah 35:1-19 sunga Rachabite te thusim akimun ahi. Ama ho achate henga ahung taovin min ju adonsah got nuleh anom

pouve. Thil thum aseijun ahi.

a) **Ju kadon pove.** (No wine). a pu chun ju don din ei phal pove kadon lou diu ahi. Pathen in tu chang akhang khanga thu a nung ahileh Isreal hon ipi ding keima thusei angai lou ham? Insung huinun aphot lou hi thil khoh tah ahi. Racabite te insunga hui phatah anungin ahi. I sopiu Mizou hon Insung huinun atiuvin, na insunga itobang hui nunga ham? Abang te air condition in achen-gun ahi. Ahin air condition sanga thupi jo Christ Condition a chen angaijin ahi. Lengpi tui don louva hin kho nom tah'a aman thu aseijun ahi.

b) **Honlei bolte** (Vineyard) Kei ho lengpilei hon jong kanei pove, honlei hihen muchi hijongle kanei pove atiu ahi.

c) **Ponbuh** (Live in Tent). Ponbuh a cheng ahivuvin ahi. Hin lah amaho hi Pathen atah san naova alha sam pouvin ahi. Apu khanga kon'a abol lou diuva achepi ho chu atu achate jong aja bol cheh un ahi. Hibanga chu tunia ei ho jong itobang khang thusim nei ihu ham ti kikhol angaijin ahi.

3. Vetsah na them khat:

a) **Abraham** (Gen 18:16-19) Abraham hin Ur khopi a kon'a Pakai jin akou na asan toh killhonin gamtep gam jon din ahung kal songin ahi. Gamtep gam alhun

na din Luipi len tah tah ni apal gal kai ding aneijin ahi. Hiche luipi agal kai na mun chu lei (Bridge) jong aumpoi. Hijong leh luipi lentah ni chu ahung gal kai jin, hiche luipi galkai pa (Hebrew) tin ahung kihen ahi. Ama hi nam lentah luipi hung galkaipa Hebrew kibul phuna pa ahung hitai. Abraham a um na mun jousea a mi phachom. Thudih leh thilpha bol hi Pathen a kon'a phat thei chana ahijingin ahi..Tunia ei ho jong Pakai kahin kho hi midanga phachom din neisemin ati h i(Lord make me to be a blessing) itao nao hisah u hite. Abraham banga mi pha chom I hi diu Pathen in ei dei sah un ahi.

B Timothy hinkho: II Timothy 1:5

Paul in Timothy kom'a tahsan kijen tah anu leh api a kona alason thu ana seijin ahi.

Tahsana kijen tah nanga umchu kahei, Napi Lois le Nanu Eunice a um (Eiho Bible a umlou) tu a nang lung sunga cheng chu kichen in kahei ati. Paul in Timothy hi amah in kho keuseh ava pon, amavang api hinkho, anu hinkho ho jong aven ahi. Api Lois a kon'a Pathen tahsan'a kijen tah anei ho, anu hinkho a Pathen tahsan kijentah anei ho chu Timoty hinkho a mudoh aum dan chu aseijin ahi.

Tunia tahsan chate dia jong vetjui thei tah chu ahi tan ahi.

C). Rev. Dr. JM Pau tulai tah a Pathen in kidang tah'a aman chah Pakai lhacha khat ahi. Ama hi Baptist Hostel Shilong'a kum 10 Pastor ahin tongi, Council of Baptist Church North East India (CBCNEI) a kum 10 General Secretary ahung pangin ahi. Tut u hi America Development International Ministry noiija na atongin, , mun tin'a kipana thupha lhang samin akal song jingin ahi.

Mi ho thudoh anei naova chun Dr. Pau Pathen in hichan nahin pui na hi ,Na nu leh Napa in nang ho ding'a ipi nakoi peh ham ahilou leh ipi nadalhah peh ham ? tin ana dongun ahi. Aman, "Kanu leh kapan nei le gou sum le pai anei lhon pon, ahin anei sun lhon Pathen anei lhonin Pathen chu eidalhah peh lhone (eikoipeh) lhone ati" Kitil khou aum lleh jengin ahi. Anu le Apa a kon'a gou aki lah son chu Pathen hetna chu ahi. Tunia ei ho nu le pan ipi eidalhah peh u ham kikhol cheh u hite.

4. Justin leh Beaky kichen chun Beaky pa pastor ahin amani gom'a chun apange. Achanu jipa kom'a chun " Justin nang koi nahi kana hepo ahin kei leh ka in neipi nangma a din kum 20 masanga patna hung tao jing kahi lhone. Chuti leh nang man hinkho theng naman thei ding ahi. (Justin with my wife we have pray for you for 20 years,to keep you pure,we do

not know who you are,we also don't know your name ,yet our prayer was fervet)"Nanu leh na pa tao na jong hi ding ahi.

Beaky pu a pat khang thum na gei ahi tan kei hon Pathen he jing ahi diu kadei jun,asun ajana taona pum'a kahet jingu ahi.Na-taona naman them u va ahileh nachate ding jong ahi. Sumsan (America)sum ahi. Hiche san hi akhang khang'a ka na taopeh nao chun na um pi jing diu ahi. Na boi tengu leh phon nei hin bollun ati.

5.Father's Day:

Mi khat thusim , Kapa chun ka-neo lai jin kapu lhana ei puije. Lhan mol'a chun hitin ahin seije "1933/34 laija America gam'a kella hah laitah in America migam'a ajam lai,mi hon a inle lou ho jong ana dalhan, ahin nangman kei ho vang nei dalha pouve atin kapu lhan chu akol chah in akap lut lut jeng e ati. Kapa tobanga kanu lungset ding dang kamu pouve,Kapa hin Bible eisim peh in Kapa tobang America gam'a hoija kamu jou diu ham? Tu hi keima phat hi ding ahitan kei jong gou thil itobang kapeh son ding hitam tin apa lhan chu atuh in akap lut lut jengin ahi.

Thuchaina:

Tunin ei ho nam sung mite jong kingaito phat ahi tai. Christianity

hung lhun kal hi Generation ni/thum tobang ahung hi tan ahi. Pu le pate khang'a i- insunguva itobang hinkho ina man nuham? Nungah ni hi Pastor khat kom'a achen, Pastor pa nei tao peh un ati. Pastor pa chun iti lam dol'a itao diu ham ? Nu ngah teni chu Kapu a chu Ju don mi ahin, kappa jong Ju don ahi. Tu hi kei ho khang ahitan, ka insungu hi ju don insunga kon'a akikhel ding kadei jun ahi ati lhone.

Pastor Rick Warren a lekha jih na khatna America gam'a mi thupi ho Politician ho, mi hao ho chuleh lolhin na chom chom nei ho akou khomun DNA test ana neijun ahi. Hiche ho lah'a chun Pastor ho lah'a din kei ma ekouvun ahi. Keima DNA test kibol chu Pastor pa hi Apu khang apa khang Pa then ngaisah te ahiuve tichu ahin mudoh taovin ahi. Aman ase be na chu tunia ipi kahi na ho jouse hi kapu kapa Pathen ahetao leh atao na ga ahi atin ahi.

Tunia Pu le pa a kon'a lahson thei ipi inei juvem? Pu le pa a kon'a lahson thei apha nanei leh mi-vang phatah nahi ding ahi. Lah son thei nanei lou khah jong leh tunia nachate natu pep eh son thei ding ipi nanei ham nahinkho ve pha kit in. Lung lut tah'a sim jouse Pathen in phat thei boh ta hen.

KBC DAY OF PRAYER

15th March 2020 (Sunday)



(Malachi 3:8)

Rev. Dr. M. Thongkhosei Haokip
General Secretary

Events

Amasatah in iPakaiyu Christa Jesu minin houbung miteho salaam kahin pecheh uve. Tukum jong KBC kiphudohna nikho (16th March, 1958) kum 62 lhinna mang dingin igaldot chehtauve. Anikhotah chu Pakai nikho ahiloujeh chun office tilouva muntinna imangthei pouvin, hijeh a chu nisim 15 March (Sunday) nikhohi man a, thilto inei houhi genthei hahsa kithopina a che ding ti ahiye. Kum tampi ihin manu chu ahivangin, hitia KBC kiphudohna geldohna le khohsahtah a iman behlou vun akihei. Tukum hi eima houbung cheh a hiche nikho phatah a program jong ikisemuva, phat danga anikho thilto maimai hilouva program jong special tah a iboluva, KBC natoh/kinbolna ho dinga atuma taona nikhoa iman diuvn jong hetsahna le tiemna ahung kineiye.

Ihetmau bangin, Kuki Baptist Christian hinahi 1914 lama houbunga nakiphutdoh hitajong le kum phabep jou tichu 16th March 1958 nia chu chelaiya ana um KBA (Motbung centre) le NEKBAM (Phaicham

centre) chu anakigom khoma KBC tia hung kiphutdoh ahi. Ahin, kumphabep ache nungin hiche kimin phah teni hi pao (language) jeh le nei-le-nga (property) jeh hin akisubei tasa KBA le NEKBAM anungcho hing kit un, amasa chu tuhin TBA asoh in, anukhah jo chu Ch.BA (tua CBCA atiu) ahung soh doh kit in, amani chun KBC akisubei tai atilhone.

Ahin, akisubeiya aseilhon pen chu kidangtah in Manipur a Kuki chatelah a houbung lenpen le ama chaalpen ahung hitan, Pathen thil kidang natohna ahitoh kilhonin Ama chu loupina le choi-atna chang jing taken! Labolpa'n "Insa hon adeimouva apaidohsau song chu In ninga songpi khomdet penin apang tai. Hiche hi Pakai thilbol ahin, kamit vet uvin akidang behseh jenge" (Pss.118:22,23) ati hi adih tangeiyin ahi. "Eiho din Pakaiyin thilna satah tah abolin ikipah tauve" (Pss.126:3).

Ipijeh pena aum talouva kisei chu tunia hiche dinmuna iumtheiyu ham ti hi gelkhopset thei ahi. Ajeh adang tampi umjong le Pathen lungdeiya akiphujeh jong hi dingin tahsan aume. Ajeh chu, KBC hi phung-le-chang le thildanga kiphutlouva Pakai Jesu thiempuhina a leiset adalhah kona ana taona: "Kapa Theng, eini pumkhat ihibanga amaho jong pumkhat ahina ding uva katao ahi" (John 17:11,21) tibulhit sah ding chu ideiyu toh kilhonna ithupi (theme) a jong ipansah u ahi. Hiche toh kilhonna I motto u chu: Kipumkhat na (Unity), Pathen thulhangsapna (Mission), chule Lhacha kin bolna (Service) tiahi uve.

Kipumkhat nadingin mun jousea KBC makaina in pan akilan, thilchom chom le Christian kibahpi Baptist hihen hilou jong le toh khomna thei theiya akitong khomin, CBCNEI-MBC, KCLF, AMCO, chule adang dang jong ahiuve. Mission natohna in India polam le sung lama jochanin kipana thupha phuondohna akineiyin, missionary ho le evangelist tampi akigoie. Lhacha kinbolna ah hin meithai-chaga khohsah ding, genthei-hahsaho kithopi ding, athi-amang khohsah ding tia Daanpia jong ineiyu ahitoh kilhonna, hiche (tuni) nikhoa taona le thilto inei houhi manchah ding ti ahin, thupitah a igeldiu angaiye.

Anikhoa Pathen thangvahna ding (Praise item) ho chu:

1. KBC kiphudoh nikho mutheiya Houbung mite jouse Pathenin Damthei na ei'umpi jallun.

2. Tuchan'a Pathen in eipuihoi uva alenggam natong theiia ium jeh un.
3. Vannoi mun chom chom'a Mission na itoh thei tah jeh-un.
4. Michonse-hon Christa a ngaidam achan theinao mun/ lampi khat ihi jeh un.

Taona a Geldoh ding (Prayer item) ho chu:

- Lamkai masaho le insung mite ding.
- Tutua Lamkai ho jouse le insung mite ding.
- KBC tohgonho lolhin theina ding.
- KBC Houbungho damtheina ding chule Houbung'a tohgon, Gambih level tohgon eneihoi lolhin theina ding. (Nangma Houbung cheh in tukum 2020 sunga tohgon/ gambih tohgon nanei hou taonan anageldo cheh un)
- KBC Workers jouse dam theina ding le machal jing thei na ding.
- KBC Gamsung'a Govt. Service bol Civil/Uniform service, NGO, Private company, Business/ ama hi nathei cheh'a kivah nading'a natong ho jouse ding. (I natoh nao jouse hi Pathen lunglam hi jing taken)

T. Leijang Baptist Church HOUIN THAH LUTNA



February 7, 2020 (Friday) 11:00 am in KBC Gambih No. 11 a um T. Leijang Baptist church, Houin thah chu Rev Onkho Haokip, Gambih Pastor in thensona ana neitai.

Mission Column

Karbi Anglong Gambih Conference 2019.

Achesa nisim 16-19 January 2020 nikho sung chun Khoding Baptist Church KBC no 18 muna Gambih Conference anakimang in ahi. Hiche Conference Speaker chu Rev Henjalen Dounjel Mission Secretary KBC ahin chuleh Pathen vahchaoila sa chu Nungah Carolyn Haokip Singat Centre church akon ahi. Conference Thupi chu ahileh "Pakai chu kaponlap ahi" Exodus 17:15.

Nithum kiman chah na sungah gambih houbung mite kipah thahnom tahin apang cheh un ahi. Karbi Anglong gama ina chenlut uhi Pathen in eipeh u gam ahin ama akon imu u gamleiset hi nehput na vaichat nading gam hilou va haosat nading gam joh ahi, Tunia ivaicht naohi tahsa lungthim a avaicha a kigeljing na le lhagao hinkho a kipa nale haldoh na ineilhom jehu chule migama khopem dana ikigel jehu va vaicha den ihi uve, Pathen in gamga eipehu hi inchen nadinga tohgong neipia avaicha le namlhasam a kigel jing lou va Pathen phatthei na chang nam kahi tia lungputinei ule gamsung khantou nan hinmanon tin mite jana changa chule inchen louchen a lhasam lou nam mite ihung hidiu ahi ti hi thupin akinei jin ahi.

Convention tohgong na noiya agambih pastor transfer acheding tah jeh in gambih in vailhah na thupi tah in aneipeh un ahi. Kipa umtah chu Pastor Seiminlen Haokip hi anatoh na a tomngaina nei agamsung ngailu ahijallin it tahle homtho tah in agam miten availhah un hitabang agam mi itthei pastor inei jehun kipa aume.

Convention Mission Sponsor ding athah kibe jing

Kipa umtah chu Convention Mission natoh ahung machal jing in tunin nidanga sangin Missionary mi 12 ineibe taovin amaho chu tuchung Saisijang Assembly a Missionary khat hinading approval jong anape taovin ahi. Hitabang a kumkhat sunga missionary hijat hung kilah be kiti hi houbung mite taona jalle panlah jalla hung lolhing thei ahi.

Missionary Ihomcha nei kiti hi gamthima dinga kondoh Ihomcha nei tina ahi. Ipi itileh khangdong ho laha kon Pathen natong ding ahung umbe theidem ti hi lung gel anakinei jing in ahi. Hiche lunggel suhbukip nading chu Mission Conference boltei angaije tijallin kangpokpi khopia 14-17th Nov. 2019 sungin inabol un khangdong mi 21 Pathen natong din ahung kipe doh un ahi. Amaho laha kon in mi Mr Gingoumang Kilong Phoibih Baptist Church KBC no 4 chu FMPB Missionary ding kilah na interview a ahung lolhing in FMPB Missionary khat ahitan achunga Convention houbung mite ikipah un ahi. Mi 11 hi Manipur le India sunga missionary natong din tohmun akipe tai. Hichan dinmun ihinphah uhi kipa um tah ahin hitabang dinmun ilhun thei jallun Pathen thangvahg na ipeovin ahi.

Lolhing tah a Conference ihin bolu to Ihonin Mission budget jong tukum in hatah in ihung khang un ahi. Kumli sung Mission na itoh naova sumle paia ipan lahnao budget dinmun anojjahin kahin tah lange.

2016	-Rs 1, 35, 00000
2017	-Rs 1, 37, 00000
2018	-Rs 1, 45, 00000
2019	- Rs 1, 87, 00000
2020	-Rs 2, 35, 00000

Hiche budget chedan a kon hetthei chu kum 5 sungin KBC Mission budget hi one crore akal jouin ahi.

Hitabang a Mission budget hung kal jing kiti hi houbung mite mission natoh na a lunglut na vetsah na ahin, hitabanga hi thanom tah a itoh khom jing u leh missionary 100 lhitding kiti hi thil hahsa hilou ding ahi. Tuhin Missionary inei uhi athah kila ho pumin 63 ilhing taove. (Mission office in regular a lhalo kipe hobou)

Mission natoh ihin pat tilu vin Mission Individual sponsorship hi ihin che pi peh un amaho panlah nahi Convention Mission natoh thahat na ahung hi. Pathen phatsah a alengam a dinga ikalson u machal nading deisah jalla Mission Individual sponsore a hung pan be ho anojja hin kahin tahlange. Kumlung keia thanom tah leh kipah tah a apan joujing nadiuvin Pathen henga taonan anakop jingu hite.

- | | |
|----------------------------------|------------------|
| 1. Saheibung Baptist Church | -Rs 7000/- month |
| 2. S.Khudengthabi Baptist Church | -Rs 7000/- month |
| 3. S.Molcham Baptist Church | -Rs 3000/- month |

- | | |
|-----------------------------------|---|
| 4. T.Champhai Baptist Church | -Rs 17,000+1000/-month
(1000 tukum a kibe) |
| 5. B.Vengnom Women Dept. | -Rs 2000/-month |
| 6. Pi Mawite Dounge New Lambulane | -Rs 1000/-month |
| 7. Pu Thenkholal Haokip Tuilelon | -Rs 1000/-month |

Kipa umtah khat chu tuchung 67th Assembly Saisijang achun kumthah Mission Budget ahin hetphat un Chahmol Baptist Church KBC no 16 ten kum sunga share pehding chu akipeh theng pai taovin ahi. Amaho hi kumsunga mission share kipeh masat pen ahitaovin Convention Mission natoh gelkhoh a kipah tah a share hinpe ahi jehun houbung mite chung a kipa thu sang tah isei uve.

Pathen puihoina noija kimang cha a machal na lampi a chejom jing din kigot na neiu hitin Houbung mithengten Mission share tuni chana thanom taha inapeh jing bangun ahung lhung ding kumsungin jong thanom tah in hin pejom jing u hite.

Pathen in Kuki Baptist Convention Mission natoh phatthei boh jing taken.

Mission Sunday 2020

H E T S A H

4-7 Hapta sunga kaikhom naho jouse leh 8th March 2020 Sunday Jingkah Offering jouse KBC Office a ithah cheh diu vin hetsah le temna kahin nei uve.

Kumdang lhadang banga tukum jong Mission week kipah tah le thanom tah a mang din houbung mithengte jouse anakigo cheh kit ute. Detail Program office akon ahung kigong poi, Hinlah nikho thupi vang ahung kitah lange. "...kalengpi leiya konun ati". Luke 20:7.

Houbung miten eiho houbung ngaichat dung juijin program kitem cheh u hitin hinlah office lama kon speaker hung kisol hohi Pathen thusei naphat mun anape cheh u hite.

Houbung Guest speaker hung kisol lou na hon kihet khel nale lungnop monan ana nei pou hite. Ajeh chu gambih lamkai hon agambih houbung sung mission Sunday a kichot to na program agonpeh ngal louleh office lama kon mi hinsol chehding chu ami kilhing jou lou ahi.

Angaina a March Sunday masa pen hi Mission Sunday hi jia chule ahaptasung chu Mission Week tia kihe ji ahi. Hinlah tukum hi Sunday masa Date 1 ni ahipai tah jehin Mission Sunday hi first Sunday hita louva 2nd Sunday ie 8 March 2020 joha kimang ding ahitai. Hidung juia hi Date 2-8 March sung hi mission week tia kihe ding ahitai.

Hijeh chun muntina houbung mitheng te jouse ahideh a houbung lamkai hon nikho hi anahethem u hitin event calendar a kipe 1 March chu mission Sunday hitalouy va 8th March (2nd Sunday) joh Mission Sunday hiding ahitai tia iki hetsah u ahi.

Mission week sung a dept. jousen ikai khom naova collection inabol cheh ding u hichu houbung a ipeh lut uva houbung in Sunday nia collection to thakhatna Mission week collection tia office a ahin thah cheh ding u ahi. Hiche a collection a kimu hin mission natoh na a lentah pan alah ji ahin budget a jong kijao sah a hung kiche pi jing ahi.

"Mission hi Pathen lungchang ahi".

Pathen natoh na kilung toh tah a pan lajing din ikitem uve.

Transfer and posting 2020:

Kum dang lhadang a ina bol jing ngai bangun tukum in jong Convention Workers transfer and posting anache lha kit in ahi. Mass transfer kum ahilou vangin apha le amun in angaichat dung juijin pastor 30 lamhi transfer and posting din tohgon ahin Convention assembly ahung kichai ja posting arrangement approved ahung hito lthonin Pastor hon jong ama chenading/ tohnading mun cheh a joining report apetaovin ahi.

Hitabanga transfer kibol kum ahitah jeh in muntin houbung le gambih lamkai hon kipah tah in eihodia hung kisol pastor ho anavai lhun utin kum li sunga Pathen natong khom din kigot na kicheh tah anakisem cheh u hite.

Lolhin na kiti hi kilung khat le kingailut nan akingam in ahi. Gambih khat a houbung ho khantou kiti hi houbung sunga houbung mite le Deacon Board, gambih a Executive Committee chule Pakai lhacha Pastor ho kingailut le pan khom nan akingam e.

Houbung le gambih lamkai hon igambih ule ihoubung uva hung ding Pastor hohi mihem ahin lhasam thei le hatmo thei ahi ti hetthem utin chule Pastor in jong keihi kahoubung mite jendinga che kahi ti geldoh jingin kivi lhun na anakisem cheh ute.

Pathen in itoh mun cheh uva lolhin na eipejing taohen.

Women Column

LYDIA RESOURCES CENTRE

Dt. 3/2/2020 nikhon LYDIA RESOURCES CENTRE mun a weaving lang ho natoh pat nadia hondohna le class XII exam boldi ho tilkhon le taopeh na KBC Women Department President le Secretary Makainan ana kimang in Rev. PP Haokip in taona mon umtah ana mang in ahi



Training bol din mi-thum ahunglut in chule Production boldin Mikhat ahung luthei jal in Pathen l'thangvah u've. Koitabang Houbung mite ho lunglut na nei Ponkhong kihil nom i-um khah u'leh hung thei hi jing nalai ahi.

Lydia Girl's Boarding hi Mi Somni (20) um nathei ahin tuhin Vacancy somle thum (13) a-um nalai in Koitabang A'chate koi nom, chuleh coaching bol Nungah ho jong hung um thei nalai ahi.

Contact :- Lydia Girl's Boarding Warden



Tuni dt.3/2/2020 nin KBC Women Department jouse thalheng in Women President le Secretary makainan Evan.Helun damlou vilna le taopeh na aga kinei in ahi.Nuten Evan.pu Ngailut thilpeh in Rs.5000/peh doh nale taona le tilkhon na ananeipeh

un ahi

Education Column

Halleluijah! Pathen khangvah e.

Pakai lengpileija na kahin tohkal tukum hi kum 30 lhinna ahitan, kangaito khel lam'a Pathen in eimapuidan ho kagelijiteng loupile kipa um kasai. Keima thepna le chihna, chule boltheina ima vang hilouvin, kum 4 (2016 – 2019) sunga hin Christian Education board Secretary kahin poh sung ah Achievement phabep sodoh theina akineithehi hi Pathen lemgot ahijal in Pathen khangvah e. Alangkhat a seidin toh bulhing joulou jong tampi seithei le mipi oimo kachanna thei tampi jong umdin katahsan e. Tunia Edn Secy. hina tohmun kadalhah tah ding jeh hin themmona leh sukhel jouse ngaidam kahinthum e. Akitongdoh ho lah a maban a ichejomp i dinguva kigong ho noija hin kahin tahlange.

2020 A Thinghang gamhahsa mun phabep a themjilna (School) hondoh ding:-

1. Dingpi Mission School, Khangbarol – KBC gam hop lah a Khangbarol gamkai, KBC no.13 hi gamhahsa tah ahi. Agamsung mipi hi loulho jenga hinkho mang amajho ahi. Phaigam a kon mun gamla tah ahi. Chate thepjilna mun kitup aumlou jeh in achateu Primary section ho phaigam a lekhasim dia akoidoh cheh uleh khosung/Houbung sung kivaipohna boigam ah ahitai. Hijeh chun Catholic hon School bolpeh din ajal'un, ajopngei ngeiju leh alhanga Houbung ho jong amajho aloilut theiju dinmun a aum u akimujeh a khohsahna kineija, vel tampi kihouna achelhah jouva ngaichat khoh ahijeh a tukum a pat a hi KBC min'a School hondohna kinei ahitai. Student hi tukum akipatna a mi 30 beh lhingjou dia tahsan ahi. KBC in Oja(Jilkung) 4 kisolpeh in, Feb.6 nin General Secretary pu in akaipatna diu lhandohna aganei pehtai.

2. Kids English School, Govajang:-

KBC no.11 hopsung ahi. Govajang kom a hin Khongkhajiang kiti kho khat aum in, EBC ten Mission School ahongun, gamkai chapang School kaithei jouse ahop nom l'eh jengu ahi. Akhoh tah khat chu, amaho School a kai jousen Paite pao athoteidiu tohgon aneijun, Bilble jong Paite paova bou amansah u akivet leh nung teng boina lentah asoding jeh in kholchilna akineijou nungin Govajang a School hi KBC Sponsored School hisahna din lunggel ahin kineijin, Jilkung (Teacher) 3 akisolpeh in, Student hi tukum in a mi 60 vel aum e. Feb.6 ni'n Edn Board Chairman pu Dr Ngamkahokhai Mate leh Gambih Pastor pu Rev Onkho in akaipatna diu lhandohna aganeipeh lhontai.

3. Faith Academy School, Joujangtek:-

Joujangtek hi KBC no.7, Noney District hopsung ahi. A kho kimvel ah kho 8/9 aum e. Amaho din Joujangtek mun kitup leh alailung (Centre) ahi. Govt. in ana donse tahlou, phat sotpi manchah tahlou Council School aum e. Minu mipa ten achateu thepjilna lam khohsah jeh in phaigam lang ajongam tauvin, khosunga koima umtalou, Pathen houna geija boipha ahidan akivet leh phamo akisah l'heh in ahi. Kipa le vangphat umtah in akhomi lekha them phabep ahung kitildoh un, School bolding ahingongun, KBC a ngehna ahinneiju toh lhon in Teacher (Jilkung) 2 akichoppeh e. Teacher mi 11 ahiuvn, Student mi 120+ alhingun, Boarding phatecha'n abol un, Feb.5 nihin School kai kipatna le lhandohna'n keiman (Rev Onthang Haokip, Edn Secy.) in taona kagaman peh un ahi.

4. Jilkung (Teacher) ho thakhat a Orientation kibolpeh:-

Feb.3 & 4 sung hin Dr Colvin Academy Moreh ah Oja ho akipuikhom in ni 2 Training (Orientation) akibolpeh un ahi. Hiche hi tuban a jong chejom jing dinga gon ahi. Tu a pat Oja ho hi KBC Teachers tia het a umjing a, angaichat dungjuia Inter-transfer jong ahithweina diuva lunggel jong kinei ahi.

JILKUNG HO DATA LE ATOHNA DIU MUN:-

Sl. no	Jilkung min	Qualification	Achenna Houbung min	Atohna ding mun
1.	Mr Hengoumang Doulgel	B.A/B.D	Molkon Bazar B/Ch KBC no.3	Headmaster, Dingpi Mission Sch., Khangbarol
2.	Mr Kaimang Haokip	B.A	Jangmun B/Ch KBC no.11	Asst. Teacher, Kids Eng School, Govajang
3.	Mr Letkhongam Haokip	B.A	Saheibung B/Ch KBC no.7	Asst. Teacher Dingpi Mission School, Khangbarol
4.	Miss Jeena Tamang	XII +	Anugrah B/Ch KBC no.6	Dingpi Mission, Sch. Khangbarol
5.	Mr Jamkhotang Singson	XII+	C/C Tuibong KBC no.8	Kids Eng.School Govajang
6.	Miss Ngaijalhing Kipgen	XII+B.Th	Phailengkot B/Ch, KBC no.2	Kids Eng. School Govajang
7.	Hoineilhing Haokip	CI-XII	Khangbarol B/Ch KBC no.7	Dingpi Mission Sch. Khangbarol
8.	Kimneichong Haokip	B.A.	Joujangtek B/Ch KBC no. 7	Faith Academy, Joujangtek
9.	Nengnunmoi Haokip	B.A	Joujangtek B/Ch KBC no. 7	Faith Academy, Joujangtek
10.	Seitinthang Haokip	B.A.	Lamphei B/Ch KBC o.13	Dingpi Mission Sch. Khangbarol

Lhaseh a Christian Education Board in apehdoh ding jat - Rs. 51,000/-

Lhaseh a Mission Board in apehdoh ding jat - Rs. 28,000/-

CHRISTIAN EDUCATION BOARD (Tentative budget for 2020)**INCOME TARGET**

Sl.no.	Heads	Share Rate	Total Amount
I	Local churches,		
1.	Members 10 – 50	500	17,500
2.	“ 51 – 100	2,000	1,40,000
3.	“ 101 – 200	5,000	1,50,000
4.	“ 201 – 300	7,000	3,50,000
5.	“ 301 – 400	10,000	2,00,000
6.	“ 401 – 500	12,000	2,04,000
7.	“ 501 and above	15,000	75,000
			Total 11,36,500
II	Centre churches,		
1.	New Lambulane	1,00,000	1,00,000
2.	Langol	90,000	90,000
3.	1.Salem Vill. Sapormeina, 2. Kpi, 3. B.Vengnom, 4. Molnoi Area	70,000 x 4	2,80,000

DISBURSEMENT

Sl.no.	Heads	Amount
1.	Maintenance	50,000
2.	Stationary	40,000
3.	TA/DA	60,000
4.	Tours & Travels	60,000
5.	Gifts, Prize, & Relief	80,000
6.	Seminar/Trainings	60,000
7.	Building construction for Kanggui college	6,00,000
8.	Sanction for Haolenphai School Fencing	1,60,000
9.	Sanction for Ceiling work for Dr Colvin Academy, Moreh	1,60,000
10.	a. Graduate Teachers 4x6,000+4,000x11=5,06,000 b. Under-Graduate Teachers 3x5,000+4,000x11=2,09,000 c. Reserve for Schools – Rs 1,31,500	8,46,500
11.	General share	10,000
12.	Reserve fund	87,928
	Grant Total Rs	22,14,428

(Rupees Twenty two lakhs fourteen thousand four hundred twenty eight only)

Hiche a Budget le adang ho ahin kitahdoh lona jeh hi Assembly a Recommendation approved eibolpehjou u nunga avel'a angaichat dungjuia semtoh/suhtohna akibol jeh a suhdihna pa hi hin kivetsah ahi. Achaina in, Pakai lenggama dia tohkhompi Pastor ho le Houbung jouse'a lamkai ho henga temna nom chu, chungu kipe I Budget uva share ipesh ding jat hou hi June kah a suhtheng teiding igot cheh uva, Oja ho lhalo san (Pay) leh tohgon ho aphantcha a isuhbulhit jou teina diu gelkhoh cheh ute tia Pakai min'a kahintem u ahi.

(Rev.Onthang Haokip)
Secy. Edn Board, KBC

DINGPI MISSION SCHOOL SESSION KIPAN TADING

Kuki Baptist Convention mopohna noiya tukum 2020 akon kipan ding Dingpi Mission School (Khangbarol) Chu Nisim 6th. Feb. 2020 nin KBC General Secretary. Rev. Dr. M. Thongkhosei Haokip in Pathen min in hondohna ana neitan ahi. Chutoh Ihona Class ho jong kipan ngal ding ahitai. Hetding khat chu hiche Dingpi Mission School ahi Class Nursery to Class V chan um ding, Headmaster Pu. Hengoumang Doungel mopohna noiya Jilkung mi nga (5) hon avet kol diu ahi. Pathen in Dingpi Mission School lolhin sah din ei-kithopi jing tauhen.

KIDS ENGLISH SCHOOL, GOVAJANG, KBC GAMBIH NO.11 HONDOH HITA.

67th KBC General Assembly a kiseilha bang in 6th.Feb. 2020 nikho in Kids English School, Govajang, KBC Gambih no.11 chu KBC in recognized akibol toh Ihon in hondoh ahitai. Dr. Ngamkhai Mate, Education Chairman, KBC in School hondohna anei in Rev. Onkho Haokip Gambih Pastor in thensona leh Pathen'a lhandohna a'neitan ahi.

FAITH ACADEMY SCHOOL JOUJANGTEK.

Faith Academy School Joujangtek, Noney Dist. KBC Recognized School 5th.Feb.2020 nihin Rev. Onthang Haokip Education Secy. in hondohna



aneitai. School Chapang jakhat le somni (120) alhingun, Jilkun mi 11 ahiuve. Boarding a um mi Somnga (50) vel ahin, khovel miho bou seat kipe ahi. KBC office lam'a konin Teacher ni akipe'n B.A. chai gel ahilhon'e. kum phabep jou leh Higher Secondary Level a boldoh nading thilgon jong kinei in ahi. Alolhin theina din taona in kopjingute.

Kakipah'e.

Rev. Onthang Haokip, KBC Edn. Secretary.

KBC Theological Scholarship



7th February, 2020 nichun KBC in Theology simlai ho kithopina a kham kham a kigong ji tukum a B.D chaiding ho Theological Scholarship chu Theological Board vaibolna noiyin KBC Office a konin ana kihomdoh tan ahi. Scholarship muho chu anoia minchongho hi ahiuve.

1. S. Lunkhohao Haokip, Geljang B.Ch., Gb. No. 12.(TTS)
2. Chungminlen Haokip, C/C, Salem Sapormeina, Gb. No. 4 (TTS)
3. Seiginthang Dimngel, Saisijang B.Ch, Gb. No. 3 (TTS)
4. Khaigoulen Kipgen, L. Gamngai B.Ch, Gb. No. 4 (TTS)
5. Khaiminlun Haokip, S. Molcham B.Ch, Gb. No. 8 (UBS)
6. Thangminlun Haokip, Saitu B.Ch, Gb. No. 4 (MTC)
7. Tonminlen Haokip, C/C, Salem Sapormeina, Gb. No. 4 (MTC)

Sholarship hopdohna kin chu Rev. Haoneo Haokip, Director, STS in alamkaiyin, Board member Pu Peter Ngamsei Haokip in lemna thu aseiyin, Rev. Dr. M. Thongkhosei Haokip, General Secretary, KBC in tilkhouna thu aseiyin, Rev. N. Baite, Board Chairman in Scholarship hopdohna le Scholarship muho taopehna aneyin, S. Lunkhohao Haokip in Scholarship muho langa kona thalhengin kipa thu sein aneyin ahi. Pathenin mapuiyu henlang phatah in a course u hinchai tauhen!

KBC SUNDAY SCHOOL TEACHERS TRAINING- 2020

Achesa 15th & 16th January, 2020 chun Baptist Church, Pangjang, KBC gambih No. 3 mun'ah KBC Sunday School Teachers Training chu nomtah in anchelha tan ahi. Training'a chun jilkung ho, Resource Person ho, chule Artiste ho panna in agomin mi 500 val akikikhom doh e. Jingkah le Devotion akibol ji in, Devotion jouva pat nilhah 3:30 pm chan Class akibol ji in, jan tengle Host Church houbung mite toh Training'a hung kalsong mihon kaikhomna le Pathen houkhomna nomtah in akimang khomji in ahi. Lhunkim ni (14th January, 2020)



nilhah in Opening Ceremony nomtah in akibolin, nilhah kaikhom a Speaker in Rev. Dr. M. Thongkhosei Haokip, General Secretary, KBC apangin, 16th January, 2020 nilhah in vahchoi la a Pathen houkhomna (Song Service) nomtah in akimangin, Pathen vahchoi sathem (Artistes) hoa konin Pathen vahchoi la ngeitah tah akingaiyin, Special Guest hoa konin Sunday School lam to kisaiya tilkhouna le houlimna phachom tah tah akingailha in ahi. Training sunga chun Convention Level Sunday School Competitive Examination -2019 le New Testament Bible Knowledge Competitive Examination Prize ho jong anakihomdoh tan ahi.

Amin cheh in kiminphah jou tyahih jongle Sunday School khohsahna jal a pontho tah a hungkal song jilkung ho jouse, Resource Person a pan eilah peh u Pastor ho jouse, Artiste ho jouse, Opening Ceremony a pan eilah peh hou jouse le Song Service nilhah Programme a thu le la chule Talent Show a pan eilah peh hou jouse chung a Pakai minin kipa thu sangtah in ahung kiphongin ahi. Training dinga mun

ephalpeh uva ahung khikhom ho lupna-touna, neh le don lam a mi jenna a nasatah le lolhing tah pan eilah peh u Pangjang houbung lamakai ho le houbung mipite jouse toh phatna chung Literature & Publication Committee in Pakai minin kipa seijoulo leuvin a hung kiphongin ahi.

SUNDAY SCHOOL

Pakai kum 2020 sunga dinga Sunday School Teachers Training ihin ichaiyuva, houbung tin a Sunday School Class ho jong ipat tah'u to kilhonin houbung miho (houbung lamakai ho, Sunday School jilkung ho, Superintendent ho, Sunday School simlai ho, minu-mipa le chate ho) jousen Sunday School thua het louva khoh themkhat anave kit u hite.

Sunday School hung umdoh dol

'Sunday School' kiti hi alhangpi'n Robert Raikes kitipa a kon a hung kipandoh in akihen ahi. Robert Raikes hi England/ Britain gam'a Cloucester kiti khopi'a kon'a journalist khat anahi'n, Gloucester Journal kiti News paper sem mi anahi. Ama hi Robert Raikes le Mary Drew te nupa cha masapen anahi. Apa to amin akibah jeh in (Robert Raikes Junior) tin jong akihen ahi. Ama hi 14th September, 1736 in anapengin, 23rd December, 1767 kumin Anne Trigge kitinu to anakicheng lhonin, chapa 3 le chanu 7 anahing lhonin, 5th April, 1811 (kum 74 alhin kum) in anathitan ahi. Amahi Anglican Evangelical houbung mi anahi.

Britain/England gam'a Industrial Revolution kiti (18th century/ 1733-1913) phat lai chun thinglhang miho ho chu khopi len ho'a thil semna (Industry/ Factory) mun ho'a sum lo dingin thinlhang gam dalha'n khopi sung anajon jon ta'uvn ahi. Hitichun, Industry/ Factory mun ho'a chun sun ni lhum lhum sum lona'n na atong jiuvin ahi. Minu mipa ho keu hilouvin, chapangho (achateu) geiyin Industry/ Facotry ho'a chun nilhum kei keiyin sum lona natongin apangji'uvn ahi. Amaho di'a kicholdona nikho chu Sunday nikho bou ahiji'n ahi. Hitichun, Sunday nikho le chun minu minpa ho chu akicholdo ji'uvn, chapang ho (achateu) chu umthim theilou ahijeh un Sunday nikho le chun sil jong ksil louvin nen deh duh in donlou dailouvin lampi dunga akichem chavaiyun, thil phalou tah tah jong aboldoh

ji'uvín ahi. Chuti'a donlou dailouva chapang kichem thang ho chu Robert Raikes chun aponalheh jengin, hiche chapang ho hinkho chu semphat a, gamsunga ding'a miphachom (Good citizens) soh doh tei ding lung tup ahinnei tan ahi. Hichena ding chun chapang ho chu neh thei ima apen, ajolin, akhomtup jin, Bible thu (Pathen thu) a pansan themjilna (lekha sim, lekha jih, thenna le chonchan pha kichuhna ho) anape (anahil) jin ahi. Hiti chun 1780 kumin Mrs King kitinu inmu'n'ak Sunday School masapen ahung kipan doh tan ahi.

Ase hile apha hile thil khat akibol doh tengle alangkhat in doudalna jong aumteiji in ahi. Hitichun, doudalna natoh chom chom ana'um jongle Robert Raikes natoh (Sunday School Movement) chu ahung lolhingín, gamdang dang ho'a jong nasatah in ahung machal'in, hiti chun tuni chan'in hiche natoh hi vannoiya houbung ho lah'a Christian themjil'na natoh thupitah khat'in akichepi jing tan ahi. Hitichun, hitobang natoh hung kipat doh het jing'na in kumseh in November Iha Pathen ni masa (First Sunday of November) nikho hi "World Sunday School day" ti'n vannoi gamtin'ah akimang/ akinit tan ahi.

India gam a Sunday School hung umdoh

Robert Raikes natoh a konin Sunday School hi Europe, America, chule gam dang dang ho'a jong ahung machal tan, hitichun India gam a missionary, Serampore Trio tia kihe William Carey, Joshua Marshman, chule William Ward kitiho natohna'a konin India gam'a jong July 9, 1803 kum chun Sunday School ahung umdoh tan ahi. Hitichun, 1876 kumin India Sunday School Union (ISSU) anakiphut doh in, 1928 kunin Sunday School Jilkung ho kichuhna (Teachers Training) jong anabol doh uvin, Sunday School lekhabu ho jong anasemdoh ta'uvín ahi. Aban jomin, Christian Education Department of Evangelical Fellowship of India (CEEFI) kiti le National Christian Council of India (NCCI) kitho'n Sunday School lekhabu ho ahinsemun, tuni chan geiyn mun tampi'ah hiche lekhabu ho hi akichoi yin, Kuki Baptist Convention (KBC) in jong tugeiyn CEEFI Sunday School lekhabu ho akichoiyin ahi.

Kuki Baptist Convention a Sunday school hung umdoh

Kuki Baptist Convention (KBC) hi 1958 kum'a anakiphut doh ahitan, akiphudoh tillai chun Sunday School hi phatah in ana'umdoh

theipo'n, 1960 kum'a kipat a phatecha hung kibol pan bep danin aumin ahi. Phatecha ana'umdoth theilona phat sung simlouva, phatah a ahung kibol patna'a kon'a isim ding le Kuki Baptist Convention (KBC) sung'a Sunday School hi 1960 kum'a hungkipan ahi, tiding ahijenge. Hiche kum'a pat a hin tuchanin Sunday School hi phatah in akichepi jingin.

Sunday School tup le doi

Robert Raikes in Sunday nikhoa chapang kichem thang ho akhop tup jia, tahsa le lhangaova ahinkhou semtupna dinga Bible (Pathen thu) a pansa a lekha sim, lekha jih thenna le chonchan/ umchan pha anahil jina natoh hi ivet le thildang ahapon, tahsa le lhagaova mihem kinkho semphatna, semtupna le semthahna natoh ahopenin ahi.

Hichea hin 'Sunday School' kiti hi tahsa le lhagao hinkho semphatna (Pathen thu to kitoh a hinkho man/ Christa dung sun hitheina) ding'a kichuhna mun phatah ahi, ti phatah in akimun ahi. Hichena ding'a hin houbung le houbung lamkai ho, minu-mipa, chule le jilkung hon phatah a pan alahna diu le amopoh nau lentah aumin ahi. Hiche thu'a hin gelding/ seiding tampi umho lah'a alou theilou apipha dom themkhat anaveu hite.

Houbung le houbung lamakho

Tahsa le lhagaova kisémpat'na ding'a Christian themjilna munpi Sunday school hi houbung natoh thupi tah ahina hi houbung mipi le lamkai hon phatah a ahét uva, agel khoh'uva, phatah a pan alah'uva, a atosot'u angaiye. Hichena ding'a hi

Sunday School phatah a ache hoina ding le akhantou theina ding'a ngaicha thil/ kimanchahna ding'a lut ding thil ho'a ding'a kumbul houbung Assembly tengle Sunday school'a ding'a ning lhing set a Budget akaidiu ahi.

Sunday school jilkung ding hi suhto mebeh mai mai hilouva, ahina ding dol tah a (effective tah a) poding le tongdoh ding mi dih tah lhen them angaiyin ahi.

Sunday School'a kihilna (class lahna) ding mun (Infrastructure) phatah le lhingset a gon angaiyin, hichena ding'a hi Sunday School inn phatah bulhingset a gon a sah ding, manchah ding'a ngaicha thil ho jong ninglingset a koiding ahi.

Tu khanga technology/ electronic lam a mihem khantouna to kitoh a mihilna lam a kithopin'a (teaching aids) manchah thil (e.g computer/lap top, projector le angaicha dang dang) ho lamdoh a manchah ding ahi.

Sunday School khantou/machalna ding'a superintendent le jilkung ho thilgon ho chu houbung lamkai ho'n phatah a atosot diu ahi.

Sunday School Superintendent

Sunday School superintendent umna ho'a superintendent hi amin pumai mai hilouva, Sunday school khantou/ machalna ding lampi agon a, lung le tha apat a phatah a gunchu tah le pontho tah a pan alah ding ahi.

Sunday School Materials (lekhabu, chalk, duster, white/ black board le angaicha thilgdang dang ho) phatah a agontup jing ding ahi.

Sunday School class phatah a achehoi jingna dinga jilkung ho le jil-lai ho phatah a avetsuija atilkhoh jing ding ahi.

Jilkung khat ahitheilou nikho le class chatvai louna dia ahithe ding dang khat agontup jing ding, ahimo nia aman pan alah jeng theina dia aman jong subject ho asim jinga, kiging jing ding ahi.

Jilkung ho to kithoa jillai ho thanop theina ding thilgon dang dang (extra-curricular activities) ho agonji ding ahi.

Minu-Mipa

Minu-mipa ten Sunday School phatah a agelkhoh/ akhohsah ten angaiyin, hicheto lhon'a hi anoiya kipeho hi phatah a abol a achepi angaiyin ahi.

Sunday School hi chate'a ding bou dan a nagito louva. minu-mipa ho tah jong Pilhing Sunday school a phatah (regular tah) a akaijing angaiyin ahi.

Pilhing class le chapang ho class phat kibang'a akibolna mun/ houbung ho'a minu-mipa eima tah in ichate phatecha puiya kaipi ding, class phat kibah louna houbung ho'a minu-mipa ten ichate Sunday School'a ding'a phatah a got tup a taona to tho'a phatah a tilkhohu sol jing ding, ahithe chan a chapang neolang ho chu minu/mipa eima tah in phatah a gathah in aphan ahi.

Jilkung hon in'a simding le bol ding (home work/assignment) ichateu ahinpeh hou chu phatah a gelkhoh peh a phatah a bolsah jing ding, aboina houva kithopi ding ahi.

Ichate Pathen thu le chon le khan hil hi Sunday School a jilkung ho chung bouva kingap le nganse bol louva eimatah in jong insung maicham a ichate phatah a Pathen thu'a lamkaiya, Phatah a Pathen thu hil a, athisan/ alungthim/ ahinkhouva chansah a Pathen thu dihtah a kibulphu sah ding ahi.

Jilkung hon ichate lhahsamna thu ihin hetsah le lung nopmo le lah-koi (ahilou lam a san) bol louva icha hinkho semphatna ding'a jilkung ho to kitho a pan lah khom ding ahi.

Ichate tahsa lam themjilna/ kichuhna (secular education) a School akaina lam'u igelkhoh/ ikhohsah tobang banga lhagao lam themjilna/ kichuhna Sunday school lam jong gelkhoh a khohsah ding ahi.

Jilkung ho

Sunday School'a hin jikung ho mopohna le panmun (role) athupi lhez jengin ahi; ajeh chu Jilkung khat chun tahsa le lhagaova jil-lai ho hinkho semtup/ semphat teiding tupna lentah pum'a taona to tho'a phatah a pan alah angaiyin ahi. Hiche to kilhon'a hi jilkung khat in anoiya kipeho bang'a hi gelkhohna neitah a pan alah ding ahi.

Sunday school kiti hi Pathen thu to kitoh a kihilna le kipuina mun ahi. Hijeh a chu, Sunday School jilkung'a pang mi chu Pathen thu'a dih tah a kiphut det a lhagao hinkho dih tah le kitup tah a mang (mi pengtheh dih tah) hiding ahi.

Mi khat chu athanopna hihen, athanop louna tah hitajongle jilkung ding'a ihung kilhendoh khah tah a ahile itoh mun chu Pathen'in eingansena/ Pathen natohna mun'a lah jeng'a, kipeh thenгна (commitment) neitah a, taona to tho'a lung lut tah le pontho tah a toh ding ahi.

English thuchih khat a, "Action speaks louder than words" kiti bang'a Sunday School jilkung khat chu ahinkho man le athilbolin athusei sanga na atoh joh ahi. Vetjui thei hinkho man chun jillai ho semphatna dinga nasatah a na atoh joh ding ahi.

Jilkung kiti hi jil lai ho ding'a imalam jouse'a vetjui (role model) ahi, ti hi sumil louva, Sunday school nikho le class galah a kin suh lhah mai mai hilouva, jillai hon tahsa le lhagaova hinkho kisémpatna dih tah aneidoh thei teina diuva jilkung khat chun Pathen thu to kitoh a dih tah le kitah tah a thusei/lasah abol a hinkho aman ding ahi.

Jilkung kiti hi jil-lai ho dinga class phat sunga ding bouva jilkung hilouvin, phat jouse le mun jousea jilkung, vetjuia um kahi, ti geldoh jinga Sunday School class phat mai mai bou hilouva, eima hinkho'a kon'a jil-lai ho kisémpat theina ding'a phat jouse le mun jouse'a vetjui thei hinkho man a, phat dang le mundang'a jong i-jil-lai ho chu hil jing/ suh dih jing ding ahi.

jil-lai ho hinkho le dinmun (aphatna le alhahsamna) thu'a anu-apa teu het themsah jing'a, amaho to kitho'a chate (jil-lai ho) hinkho semphatna ding'a pan alah khom diu ahi.

Jilkung khat chu jil-lai ho ding'a vetjui (role model) ahi bang'a, jilkung ding'a vetjui (role model) chu Jesu Christa ahi, ti sumil louva, mihilna lam pang'a Jesu Christa in, "Keima hi kelngoi chingpha kahi. Kelngoi ching pha chun kelngoi ho dingin ahinna apejie . . . Keiman keima a jouse kahei, keima a jousen jong keima eiheuve; chule kengoi ho dingin kahinna jong kapei" tia Jesu Christa thusei le hinkho (John 10:11-15) bang'a jilkung hina hinkho man angaiyin ahi.

Chunga kiseiho jouse chungchon a jilkung khat in asuhmil louding chu, jilkung hina natos chu jilkung khat hina a imopohna sulhah (duty fulfil) mai mai hilouva ihilding miho gelkhohna le ngailutna neitah le kikat dohna (Commitment) dih tah puma toh ding ahi.

Simlai ho

Simlai ho jousen geldiu chu, Secular themjilna mun (School) hoa phatah ikai jing banguva Pathen thu lam to kitoh a kikhokhahna mun Sunday School Class hi nahsah moa koilou ding, phatah le pontho tah a kaijing ding, Sunday School lekhabu ho phatah le gunchu tah a sim jinga, Pathen thu lam to kitoh hinkho (ilhagao hinkho le ahsa hinkho) kisémtupna ding lung vulna neitah a pan lah jing ding ahi.

Pathen thu lam a eilamkaiyu ijilkung hou chu Pakai min a jana neitah a athu'u ngaiya, athu'uva nun jing ding ahi.

Chung'a kiseiho jouse kaigop a het ding chu, 'Sunday School' kiti hi 'Information Centre' (kihilna mun/ kiseipehna mun/ kihetsahna mun) mai mai hilouva 'Transformation Centre' (tahsa le lhagaova aphalam'a hinkho kikhelna mun) hidoh sah tei angaiyin, hichena ding'a chu na toh a thil bol angaiyin ahi. .Hijeh a chu 'Sunday School' kiti hi houbung tin'in nahsah mo'a koi louva, tu dinmun'a sang'a aphot be cheh, ahoibe cheh, amachalbe cheh le akhangtoubé chehna ding'a lung le tha pat a gelkhohna neitah pum'a na toh angaiyin ahi.,

Rev. Haoneo Haokip
Literature Secretary, KBC

BIBLE PUMPI

LIVEI (4 TIMES) SIMCHAI MASA KITETNA

67th KBC General Asembly a Literature & Publication Recommendation phatsah (Approved) ahito kilhon a tukum (2020) sunga hi Bible pumpi livei (4 times) simchai masa kitetna umding ahi; pan lanom jousen tua pat a isim pat theiyu ahitai. Akisei banga livei (4 times) simchai masa jousen asim patna nikho le lha, nidan le asimchaina nikho le lha chule nidan Literature Secretary kom a hetsah/ peh lut ding ahi. First Prize Rs 5000/-, Second Prize Rs 4500/-, Third Prize Rs. 4000/-, 4th a pat 10th chan ho Consolation Prize Rs. 1000/- cheh kipeding ahi. Hiche hi Bible simna lam a kitilkhouna le kitosotna dinga kigong ahi. Prize ho hi akiseibanga livei (4times) simchai masa hoho kipapina le tilkhouna a Pakai min a Pathen natohna dinga pan lonom hon pan ahinlah na'uva kon a peh ding kiti ahi. Hijeh chun hichea pan ladingin jong houbung mite Pakai minin temna le chouna ahung kineiyin ahi; pan lanom (ahin toh doh nom) ho jousen ipan lahna ding jat chu Literature Secretary koma ipheh theiyu ahi.



67 GENERAL ASSEMBLY 2020

S. Saisijang Baptist Church, KBC 19
27-29 JANUARY

Achesa nisim 27th – 30th January, 2020 sungin 67th channa KBC General Assembly S. Saisijang Baptist Church, Gambih No.19 ah ana ana kineiin ahi. Nisim 27 nidan 4:00 pm chun Flag Hoisting programme ana ume. Rev. Dr. M. Thongkhosei Haokip, KBC General Secretary in conduct ala in mipi in Pathen vahchoi na la Hb.No 67 “Pakai na natoh hi” ti akisa khom in Rev. Tonglet Haokip, KBC President in Psalm 104:38 le 33:12 sim doh na anei in KBC ponlap chu APA, ACHA chule LHAGAO THENG min in ponlap khaidoh na anei toh kilhon in 67th KBC General Assembly akipan tai tin phondoh na anei in ahi. Chule nisim 29 January nilah nidan 4:00 pm in Ponlap khailhahna Pu M. Zamlal Zou, Vice President in aneiin, Assembly khumkha ahitai ti phondohna anei tai.

REPORTS:

General Secretary, Mission Secretary, Finance & Property, Education Board, Pastoral Committee, Development Committee, Men Department, Literature & Publication, Women Department, Youth Department, Kanggui Christian College, Dr. Colvin Academy, STS chule Auditor reports ho ngailhahna aum in machalna ho jeh in kipahtah in akisanpeh un ahi.

RECOMMENDATIONS:

CEC, Mission Board, Pension Board, Christian Education Board, Finance and Property, Literature and Publication, Development, Music, Men, Women, Youth, Evaluation, Theological Board, Planning Committee ho akon recommendation ho gelkhomna le seikhomna akinei toh Ihonin suhdih thei, semphat thei chan akisemphan approved akiboltan ahi.

Convention a alhangpi (General) a kithulhuhna poimo phabep:

KBC Pentannial Fellowship 2021 Um ding Kum 5 danseh a kibolji KBC Pentannial Fellowship chu ahung lhung ding 2021 February a umdingin seiliah ahitai. Amun ding jong Sugnu lhang/gamkai KBC Gambih No.21 hiding in jong phatsah ahi. Kum 5 danseh akiti vangin kum 10 val jenin boina chomchom jeh in ana kibol tapon ahi.

Office thah sah ding:

Kum 35 valjen kinei KBC Administrative office building hi aneo tan, ngaichat tampi apejou tapon, sahbe/kehbe ding jong athem-achinghon aphal tapouvin, hijeh a chu phehlhah a tulai (modern) office khat tundoh dingin kithu luhna akinei tan ahi.

Centre Church Mun 4-5 vel akihonbe in, lhacha atohphat lhingho retire/pension cheho alhengding Pastor ding le natoh chomchom a ngaichat jeh in tohkhompi mi 10 val akilahben ahi.

HOUKHOMNA

Nilhah seh in houkhomna aumin ahi. 27th nilhah kaikhom na in Rev. Ngamjapao Haokip in Pathen thu a Hebrew 11:5 mangchan Enoch Hinkho thusim a kon in tilkhon na le ngainom umtah thupi asei in ahi. Nisim 28th nilhah in Pastor Thangkhomang Haokip, Necrologist akon in 2019 kum sunga houbung mi ngaitah 293 hinkho abeina chung ah ngailut le jana vetsahna in minute khat thipchet in aki um in, Pastor pan aum talou ho geldoh na le insung mite dingin jong taona aneijin ahi. Rev. Paojangam Haokip in kum thupi, "Christa a Pilhinna mason ute" ti mangchan tilkhouna aneijin ahi. 29th nikho in Rev. Khupthang Kilong in Pathen thua houlimna le tilkhouna (Phillipi 3:14) "Christa a Pilhinna" ti thupi mangchan aseijin ahi.

PENSION CHEHO LHAHNA:



2019 kum sunga pension cheho lhahna program Pension Board ho lamkainan akimangin, pension cheho thilpehna phat jong ana um in ahi.

WORKERS' OATH-TAKING:



KBC Worker ho kitepna neilou ho kitepna Rev. Tonglet Haokip, President Minister hinan kitepna anei yun ahi.

CHOIR HO:

KBC Gambih No. 19 le 3 Choir ho leh S. Saisijang houbung khanglai ten Assembly sunga Pathen houkhom na ho ah vahchoila asauvin, la lamin jong mipi alamkai uvin ahi.

KIPA THUPHON:

67th channa KBC General assembly a hunglha Houbung, Gambih, Convention a Board/Committee thalhengho, Assembly Officer ho chuleh worker jouse chungu, lhunna-gena chuleh neh leh chah phatah a eiboipiu host Church S. Saisijang teho, nilhah seh a thusei (Speaker) ho leh devotion eilamkaipheh hou, vahchoila ngeitah eisahpeh u Choir ho, program a minchong lamkai vaibol ho, taona ima a pan hinla jouse, Record eibolpeh u Assembly Secretary teni chule Assembly a lekha leh adang hin sutoh a office a tohkhompi Secretary/staff ho jouse chungu kipathu isei uve. Pathenin phatthei naboh cheh tauhen.

NEXT ASSEMBLY MUN DING:

Khovei Assembly mun dingin Centre Church B. Vengnom, KBC No.8 a um ding ahi.

(Rev. Dr. M. Thongkhosei Haokip), General Secretary
Kuki Baptist Convention (I)

CONVENTION CHENA LHONGPI TOHMUN KIKHEL NA

Convention Kilamkaina noiya chena lhongpi dungjuijin 67 General Assembly a thulhuhna kinei dungjuijin tua patna tohmun thah a



kikkel tona ho amun munnah ahung chelha in Office mun a Secretary hojong phatah in kikhutkhelna akinei chaitan chukitleh Gambih leh Centre Church mun ho a Pastor hojong abanban in aumna houbung hon kilom tah in lhahna ahin neisoh taovin alhunna mun houva jong Pathen min in kilemto na kin ho anei taovin ahi.

KUKI BAPTIST CONVENTION GAMBIH 13 KHOPPI 2020 LOLHING TAH A KHENGJOI MUN ANA KIMANG



KBC Gambih No. 13 Khangbarol Area in kum tohgon na ana kinei 34th channa Gambih Conference chu achesa nisim 16-20 January 2020 sung in "Sun ahi petcha ahi eisolpa na katoh ding hiveh ta" Jn. 9:4 ti thupi KBC General Secretary Rev. Dr. M Thongkhosei Haokip in eiseipeh un lolhing tah in ana kimang in ahi. Khochom chom akon in Houbung mi jagup (600) vellan pan ahung lan khompi Pathen jal in lolhing tah a khumkha ana hitai. Lolhinna eipiu Hatchungnung Pathen chu loupina leh choia-atna jouse chang jing taken.



**Kids English School,
Govajang,
KBC No. 11**

**Dingpi Mission School,
Khangbarol
KBC No 13**



**Faith Academy,
Joujangtek
KBC NO. 7**

**Silver Jubilee,
Centre Church
Tuibong**



**KBC Office
mun a Lamkai
alui leh athah
kikhukhel na
10th Feb nikhon
ana kineitai.**



1 February 2020 nikhon ana umtalou Rev. Seikholet Singson
KBC Founder pu Angailut insung miten Hetjingna
Lhansong dopoh na kin chu ana chenna Bongmol khomun
ah kilom tah in ana neipeh tauvin ahi.

If undelivered, please return to
The Editor. KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173